

燈會元

九

五燈會元卷之九

滹仰宗

南嶽下三世

百丈海禪師

滹山靈祐禪師

南嶽下四世

滹山祐禪師法嗣

仰山慧寂禪師

香嚴智閑禪師

徑山洪謹禪師

雙峯和尚不列章次

定山神英禪師

延慶法端禪師

哈佛大學哈佛燕京圖書館珍藏印



益州應天和尚

九峯慈慧禪師

京兆府米和尚

晉州霍山和尚

元康和尚

三角法過庵主

常侍王敬初居士

南嶽下五世

仰山寂禪師法嗣

西塔光穆禪師

南塔光涌禪師

霍山景通禪師

無着文喜禪師

五觀順支禪師

仰山東塔和尚

香巖閑禪師法嗣

吉州止觀和尚

壽州紹定禪師

南禪無染禪師

長平山和尚

崇福演教禪師

大安清幹禪師

終南山豐德和尚

武當佛巖暉禪師

雙溪田道者

徑山諲禪師法嗣

洪州米嶺和尚

雙峯和尚法嗣

雙峯古禪師

南嶽下六世

西塔穆禪師法嗣

資福如寶禪師

南塔涌禪師法嗣

芭蕉慧清禪師

黃連義初禪師

南嶽下七世

資福寶禪師法嗣

資福真遠禪師

潭州鹿苑和尚

芭蕉清禪師法嗣

芭蕉繼微禪師

幽谷法滿禪師

芭蕉山圓禪師

牛頭山精禪師

芭蕉山閑禪師

慧林究禪師法嗣

韶州靈瑞和尚

南嶽下八世

報慈韶禪師法嗣

三角志謙禪師

清化全怱禪師

慧林鴻寗禪師

吉州福壽和尚

報慈德韶禪師

不列

章

與陽清讓

伴師

芭蕉山遇禪師

承天辭確禪師

覺城院信禪師

芭蕉令遵禪師

與陽清讓

伴師

芭蕉山遇禪師

承天辭確禪師

覺城院信禪師

芭蕉令遵禪師

與陽清讓

伴師

五燈會元卷九

馮仰宗

南嶽下三世

百丈海禪師法嗣

潭州馮山靈祐禪師福州長谿趙氏子年十五出家
依本郡建善寺法常律師剃髮於杭州龍興寺窻大
小乘教二十三遊江西叅百丈丈一見許之入室遂
居叅學之首侍立次丈問誰師曰某甲丈曰汝撥爐
中有火否師撥之曰無火丈躬起深撥得少火舉起
示之曰汝道無這箇聾師由是發悟禮謝陳其所解

丈曰此乃暫時岐路耳經云欲識佛性義當觀時節
因緣時節既至如迷忽悟如忘忽憶方省已物不從
他得故祖師云悟了同未悟無心亦無法祇是無虛
妄凡聖等心本來心法元自備足汝今既爾善自護
持次日同百丈入山作務丈曰將得火來麼師曰將
得來丈曰在甚處師乃拈一枝柴吹兩吹度與百丈
丈曰如蟲禦木司馬頭陀自湖南來謂丈曰頃在湖
南尋得一山名大瀉是一千五百人善知識所居之
處丈曰老僧住得否陀曰非和尚所居丈曰何也陀
曰和尚是骨人彼是肉山設居徒不盈手丈曰吾衆
中莫有人住得否陀曰待歷觀之時華林覺爲第一
座丈令侍者請至問曰此人如何陀請磬欬一聲行
數步陀曰不可丈又令喚師師時爲典座陀一見乃
曰此正馬山主人也丈是夜召師入室囑曰吾化
緣在此泗山勝境汝當居之嗣續吾宗廣度後學而
華林聞之曰某甲忝居上首典座何得住持丈曰若
能對衆下得一講出格當與住持卽指淨瓶問曰不
得喚作淨瓶汝喚作甚麼林曰不可喚作木楔也丈
乃問師師踢倒淨瓶便出去丈笑曰第一座輸却山
了也師遂往焉是山峭絕復無人煙猿猱爲伍橡栗

克食經于五七載絕無來者師自念言我本住持爲
利益於人既絕往還自善何濟卽捨庵曰欲他往行
至山口見蛇虎狼豹交橫在路師曰汝等諸獸不用
攔吾行路吾若於此山有緣汝等各自散去吾若無
緣汝等不用動吾從路過一任汝喫言訖蟲虎四散
而去師乃回庵未及一載安上座卽懶安也同數僧從百
丈來輔佐於師安曰某與和尚作典座待僧及五百
人不論時節卽不造粥便放某甲于自後山下居民
稍稍知之率衆共營梵宇連帥李景讓奏號同慶寺
相國裴公休崔塔玄與繇是取下禪學輜輳馬上堂

大道之心質直無偽無背無面無詐妄心一切
中視聽尋常更無委曲亦不閉眼塞耳但情不昧
卽得從上諸聖祇說濁邊過患若無如許惡覺情
見想習之事譬如秋水澄渟清淨無爲澹淡無礙喚
他作道人亦名無事人時有僧問頓悟之人更有修
否師曰若真悟得本他自知時修與不修是兩頭語
如今初心雖從緣得一念頓悟自理猶有無始曠劫
習氣未能頓淨須教渠淨除現業流識卽是修也不
可別有法教渠修行趣向從聞入理闡理深妙也自
圓明不居惑地縱有百千妙義抑揚當時此乃得坐

披衣自解作活計始得以要言之則實際理地不受
一塵萬行門中不捨一法若也單刀直入則凡聖情
盡體露真常理事不二即如如佛仰山問如何是祖
師西來意師指燈籠曰大好燈籠仰曰莫祇這便是
麼師曰這箇是甚麼仰曰大好燈籠師曰果然不見
一日師謂眾曰如許多人祇得大機不得大用仰山
舉此語問山下庵主曰和尚恁麼道意旨如何主曰
更舉看仰擬再舉被庵主踏倒仰歸舉似師師呵呵
大笑師在法堂坐庫頭擊木魚火頭擲却火抄拊掌
大笑師曰眾中誰有恁麼人遂喚來問你作麼生

頭曰某甲不喫肚饑所以歡喜師乃點頭

後鏡
德云

知瀉山泉裏無人卧籠球
云將知瀉山泉裏有人卧

師摘茶次謂仰山曰終日

摘茶祇聞子聲不見子形仰撼茶樹師曰子祇得其

用不得其體仰曰未審和尚如何師良久仰曰和尚

祇得其體不得其用師曰放子三十棒仰曰和尚棒

某甲喫某甲棒教誰喫師曰放子三十棒

玄覺云且
道過在甚

處麼上堂僧出曰請和尚為眾說法師曰我為汝得徹

困也僧禮拜

後人舉似雪峯峯曰古人得恁麼老婆
心切玄沙云山頭和尚蹉過古人事也

雪峯聞之乃問沙曰甚麼處是老僧蹉過古人事處
沙曰大小瀉山被那僧一問直得百雜碎峯乃駭然

師坐次仰山入來師曰寂子速道莫入陰界仰曰慧

寂信亦不立師曰子信了不立不信不立仰曰祇是
慧寂更信阿誰師曰若恁麼卽是定性聲聞仰曰慧
寂佛亦不立師問仰山涅槃經四十卷多少是佛說
多少是魔說仰曰總是魔說師曰已後無人奈子何
仰曰慧寂卽一期之事行履在甚麼處師曰祇貴子
眼正不說子行履仰山蹋衣次提起問師曰正恁麼
時和尚作麼生師曰正恁麼時我這裏無作麼生仰
曰和尚有身而無用師良久却拈起問曰汝正恁麼
時作麼生仰曰正恁麼時和尚還見伊否師曰汝有
用而無身師後忽問仰山汝春間有話未圓今試道

看仰曰正恁麼時切忌勃訐師曰停囚長智師一

喚院主主便來師曰我喚院主汝來作甚麼主無對

曹山代云也知和尚不喚某甲又令侍者喚第一座座便至師曰我

喚第一座汝來作甚麼座亦無對曹山代云若令侍者喚恐不來法眼

云適來侍者喚師問雲巖聞汝久在藥山是否巖曰是師曰

如何是藥山大人相巖曰涅槃後有師曰如何是涅槃

後有巖曰水灑不着巖却問師百丈大人相如何

師曰巍巍堂堂煒煒煌煌聲前非聲色後非色蚊子

上鐵牛無汝下嘴處師過淨瓶與仰山山擬接師却

縮手曰是甚麼仰曰和尚還見箇甚麼師曰若恁麼

何用更就吾覓仰曰雖然如此仁義道中與和尚提
瓶挈水亦是本分事師乃過淨瓶與仰山師與仰山
行次指栢樹子問曰前面是甚麼仰曰栢樹子師却
問耘田翁翁亦曰栢樹子師曰這耘田翁向後亦有
五百衆師問仰山何處來仰曰田中來師曰禾好刈
也未仰作刈禾勢師曰汝適來作青見作黃見作不
青不黃見仰曰和尚背後是甚麼師曰子還見麼仰
拈禾穗曰和尚何曾問這箇師曰此是鶩王擇乳師
問仰山天寒人寒仰曰大家在這裏師曰何不直說
仰曰適來也不曲和尚如何師曰直須隨流上堂
冬嚴寒年年事畧運推移事若何仰山進前叉手而
立師曰我情知汝答這話不得香巖曰某甲偏答得
這話師躡前問嚴亦進前叉手而立師曰賴遇寂子
不會師一日見劉鐵磨來師曰老特牛汝來也磨曰
來日臺山大會齋和尚還去麼師乃放身作臥勢磨
便去有僧來禮拜師作起勢僧曰請和尚不用起
師曰老僧未曾坐僧曰某甲未曾禮師曰何故無禮
僧無對同安代云和尚不怪僧問如何是道師曰無心是道曰
某甲不會師曰會取不會底好曰如何是不會底師
曰秋汝是不是別人復曰今時人但直下體取不會

底正是汝心正是汝佛若向外得一知一解將爲禪道且沒交涉名運糞入不名運糞出汗汝心因所以道不是道問如何是百丈真師下禪床叉手立日如何是和尚真師却坐師坐次仰山從方丈前過師曰若是百丈先師見子須喫痛棒始得仰曰卽今事作麼生師曰合取兩片皮仰曰此恩難報師曰非子不才迺老僧年邁仰曰今日親見百丈師翁來師曰子向甚麼處見仰曰不道見祇是無別師曰始終作家師問仰山卽今事且置古來事作麼生仰叉手近前師曰猶是卽今事古來事麼生仰退後立師曰汝屈我我屈汝仰便禮拜仰山香嚴侍立次師舉手曰如今恁麼者少不恁麼者多嚴從東過西立仰從西過東立師曰這箇因緣三十年後如金擲地相似仰曰亦須是和尚提唱始得嚴曰卽今亦不少師曰合取口師坐次仰山入來師以兩手相交示之仰作女人拜師曰如是如是師方丈內坐次仰山入來師曰寂子近日宗門令嗣作麼生仰曰大有入疑著此事師曰寂子作麼生仰曰慧寂祇管困來合眼健卽坐禪所以未曾說著在師曰到這田地也難得仰曰據慧寂所見祇如此一句也著不得師曰汝爲一人也

不得仰曰自古聖人盡皆如此師曰大有人笑汝恁
麼祇對仰曰解笑者是慧寂同叅師曰出頭事作麼
生仰繞禪牀一匝師曰裂破古今仰山香嚴侍立次
師曰過去現在未來佛佛道同人人得箇解脫路仰
曰如何是人人解脫路師回顧香嚴曰寂子借問何
不荅伊嚴曰若道過去未來現在某甲却有箇祇對
處師曰子作麼生祇對嚴玆重便出師却問仰山曰
智閑恁麼祇對還契寂子也無仰曰不契師曰子又
作麼生仰亦玆重出去師呵呵大笑曰如水乳合一
日師翹起一足謂仰山曰我每日得他負載感伊不
徹仰曰當時給孤園中與此無別師曰更須道始得
仰曰寒時與他襪著也不爲分外師曰不負當初子
今已徹仰曰恁麼更要荅話在師曰道看仰曰誠如
是言師曰如是如是師問仰山生住異滅汝作麼生
會仰曰一念起時不見有生住異滅師曰子何得遣
法仰曰和尚適來問甚麼師曰生住異滅仰曰却喚
作遣法師問仰山妙淨明心汝作麼生會仰曰山河
大地日月星辰師曰汝祇得其事仰曰和尚適來問
甚麼師曰妙淨明心仰曰喚作事得麼師曰如是如
是石霜會下有二禪客到云此間無一人會禪後普

請般柴仰山見二禪客歇將一椽柴問曰還道得麼
俱無對仰曰莫道無人會禪好仰歸舉似師曰今日

二禪客被慧寂勘破師曰甚麼處被子勘破仰舉前

話師曰寂子又被吾勘破雲居錫云某處是
為山勘破仰山處師睡次

仰山問訊師便回面向壁仰曰和尚何得如此師起

曰我適來得一夢你試為我原看仰取一盆水與師

洗面少傾香巖亦來問訊師曰我適來得一夢寂子

為我原了汝更與我原看巖乃點一碗茶來師曰二

子見解過於鶩子師因泥壁次李軍容來具公裳直

至師背後端笏而立師回首見便側泥盤作接泥勢

李便轉笏作進泥勢師便拋下泥盤同歸方丈僧問

不作瀉山一頂笠無由得到莫怪村如何是瀉山一

頂笠師喚曰近前來僧近前師與一踏上堂老僧百

年後向山下作一頭水牯牛左脇下書五字曰瀉山

僧某甲當恁麼時喚作瀉山僧又是水牯牛喚作水

牯牛又是瀉山僧畢竟喚作甚麼即得仰山出禮拜

而退雲居膺代曰師無異號資福寶曰當時但作此

○相拓呈之新羅和尚作此④相拓呈之又曰同道

者方知芭蕉徹作此切相拓呈之又曰說也說了也

注也注了也悟取好乃述偈曰不是瀉山不是牛一

身兩號實難酬離却兩頭應須道如何道得出常流
師敷揚宗教凡四十餘年達者不可勝數大中七年
正月九日盥漱敷坐怡然而寂壽八十三臘六十四
塔于本山謚大圓禪師塔曰清淨

南嶽下四世

瀉山祐禪師法嗣

袁州仰山慧寂通智禪師韶州懷化葉氏子年九歲

於廣州和安寺投通禪師出家

即不語通

十四歲父母取

歸欲與婚婦師不從遂斷手二指跪致父母前誓求

正法以荅劬勞父母乃許再詣通處而得披剃未登

具卽遊方初謁耽源已悟玄旨後參瀉山遂升堂與

耽源謂師曰國師當時傳得六代祖師圖相共九十

七箇授與老僧乃曰吾滅後三十年南方有一沙彌

到來大興此教次第傳受無令斷絕我今付汝汝當

奉持遂將其本過與師師接得一覽便將火燒却耽

源一日問前來諸相甚宜秘惜師曰當時看了便燒

却也源曰吾此法門無人能會唯先師及諸祖師諸

大聖人方可委悉子何得焚之師曰慧寂一覽已知

其意但用得不可執本也源曰然雖如此於子卽得

後人信之不及師曰和尚若要重錄不難卽重集一

本呈上更無遺失源曰然耽源上堂師出衆作此○
相以手拓呈了却叉手立源以兩手相交作拳示之
師進前三步作女人拜源點頭師便禮拜師浣衲次
耽源曰正恁麼時作麼生師曰正恁麼時向甚麼處
見後叅滂山滂問汝是有主沙彌無主沙彌師曰有
主曰主在甚麼處師從西過東立滂異之師問如何
是真佛住處滂曰以思無思之妙返思靈燄之無窮
思盡還源性相常住事理不二真佛如如師於言下
頓悟自此執侍前後盤桓十五載後叅巖頭頭舉起
拂子師展坐具巖拈拂子置背後師將坐具搭肩上

而出巖曰我不肯汝放衲肯汝收掃地次滂問塵非
掃得空不自生如何是塵非掃得師掃地一下滂曰
如何是空不自生師指自身又指滂滂曰塵非掃得
空不自生離此二途又作麼生師又掃地一下又指
自身并指滂滂一日指田問師這丘田那頭高這頭
低師曰却是這頭高那頭低滂曰你若不信向中間
立看兩頭師曰不必立中間亦莫住兩頭滂曰若如
是著水看水能平物師曰水亦無定但高處高平低
處低平滂便休有施主送絹與滂山師問和尚受施
主如是供養將何報荅滂敲禪牀示之師曰和尚何

得將衆人物作自己用師在瀉山爲直歲作務歸瀉
問甚麼處去來師曰田中來瀉曰田中多少人師插
鋤叉手瀉曰今日南山大有人刈茅師拔鋤便行沙

云我若見卽踏倒鋤子僧問鏡清仰山挿鋤意旨如何清云狗銜赦書諸侯避道云秋如玄沙踏倒意旨如何清云不柰船何打破岸斗云南山刈茅意旨如何清云李靖三兄久經行陣雲居錫云且道鏡清下

此一判師在瀉山牧牛時踢天泰上座問曰一毛頭

師子現卽不問百億毛頭百億師子現又作麼生師

便騎牛歸侍立瀉山次舉前話方了却見泰來師曰

便是這箇上座瀉遂問百億毛頭百億師子現豈不

是上座道泰曰是師曰正當現時毛前現毛後現泰

曰現時不說前後瀉山大笑師曰師子腰折也便下

去一日第一座舉起拂子曰若人作得道理卽與之

師曰某甲作得道理還得否座曰但作得道理便得

師乃掣將拂子去雲居錫云甚麼處是仰山道理一日雨下天性上

座謂師曰好雨師曰好在甚麼處性無語師曰某甲

却道得性曰好在甚麼處師指雨性又無語師曰何

得大智而默師隨瀉山遊山到磐陀石上坐師侍立

次忽鷓銜一红柿落在面前瀉拾與師師接得洗了

度與瀉瀉曰子甚處得來師曰此是和尙道德所感

瀉曰汝也不得無分卽分半與師玄沙云大小瀉山被仰山一坐至今

起不瀉山問師忽有人問汝汝作麼生祇對師曰東
寺師叔若在某甲不致寂寞瀉曰放汝一箇不祇對
罪師曰生之與殺祇在一言瀉曰不負汝見別有人
不肯師曰阿誰瀉指露柱曰這箇師曰道甚麼瀉曰
道甚麼師曰白鼠推遷銀臺不變師問瀉山大用現
前請師辨白瀉山下座歸方丈師隨後入瀉問子適
來問甚麼話師再舉瀉曰還記得吾答語否師曰記
得瀉曰你試舉看師便珍重出去瀉曰錯師回首曰
閑師弟若來莫道某甲無語好師問東寺曰借一路
過那邊還得否寺曰大凡沙門不可祇一路也別更
有麼師良久寺却問借一路過那邊得否師曰大凡
沙門不可祇一路也別更有麼寺曰祇有此師曰大
唐天子決定姓金師在瀉山前坡牧羊次見一僧上
山不久便下來師乃問上座何不且留山中僧曰祇
爲因緣不契師曰有何因緣試舉看曰和尚問某名
甚麼某答歸真和尚曰歸真何在某甲無對師曰上
座却回向和尚道某甲道得也和尚問作麼生道但
曰眼裏耳裏鼻裏僧回一如所教瀉曰脫空謾語漢
此是五百人善知識語師臥次夢入彌勒內院衆堂
中諸位皆足惟第二位空師遂就座有一尊者白槌

曰今當第二座說法師起白槌曰摩訶衍法離四句
絕百非諦聽諦聽衆皆散去及覺舉似瀉瀉曰子已
入聖位師便禮拜師侍瀉行次忽見前面塵起瀉曰
面前是甚麼師近前看了却作此車相瀉點頭瀉山
示衆曰一切衆生皆無佛性鹽官示衆曰一切衆生
皆有佛性鹽官有二僧往探問既到瀉山聞瀉山舉
揚莫測其涯若生輕慢因一日與師言語次乃勸曰
師兄須是勤學佛法不得容易師乃作此○相以手
拓呈了却拋向背後遂展兩手就二僧索二僧問措
師曰吾兄直須勤學佛法不得容易便起去時二僧
却回鹽官行三十里一僧忽然有省乃曰當知瀉山
道一切衆生皆無佛性信之不錯便回瀉山一僧更
前行數里因過水忽然有省自歎曰瀉山道一切衆
生皆無佛性灼然有他恁麼道亦回瀉山久依法席
瀉山同師牧牛次瀉曰此中還有菩薩也無師曰有
瀉曰汝見那箇是試指出看師曰和尚疑那箇不是
試指出看瀉便休師送果子上瀉山瀉接得問子甚
麼處得來師曰家園底瀉曰堪喫也未師曰未敢嘗
先獻和尚瀉曰是阿誰底師曰慧寂底瀉曰既是子
底因甚麼教我先嘗師曰和尚嘗千嘗萬瀉便喫曰

猶帶酸澀在師曰酸澀莫非自知馮不荅赤手行者
聞鐘聲乃問有耳打鐘無耳打鐘師曰汝但問莫愁
我荅不得干曰早箇問了也師喝曰去師夏末問訊
馮山次馮曰子一夏不見上來在下面作何所務師
曰某甲在下面鉏得一片畚下得一籬種馮曰子今
夏不虛過師却問未審和尚一夏之中作何所務馮
曰日中一食夜後一寢師曰和尚今夏亦不虛過道
了乃吐舌馮曰寂子何得自傷已命馮山一日見師
來卽以兩手相交過各撥三下却豎一指師亦以兩
手相交過各撥三下却向曾前仰一手覆一手以目

瞻視馮山休去馮山餒鷓生飯回頭見師曰今日爲
伊上堂一上師曰某甲隨例得聞馮曰聞底事作麼
生師曰鷓作鷓鳴鵲作鵲噪馮曰爭奈聲色何師曰
和尚適來道甚麼馮曰我祇道爲伊上堂一上師曰
爲甚麼喚作聲色馮曰雖然如此驗過也無妨師曰
大事因緣又作麼生驗馮豎起拳師曰終是指東畫
西馮曰子適來問甚麼師曰問和尚大事因緣馮曰
爲甚麼喚作指東畫西師曰爲著聲色故某甲所以
問過馮曰並未曉了此事師曰如何得曉了此事馮
曰寂子聲色老僧東西師曰一月千江體不分水馮

曰應須與麼始得師曰如金與金終無異色豈有

名瀉曰作麼生是無異名底道理師曰瓶盤釵釧券

孟盆瀉曰寂子說禪如師子吼驚散狐狼野干之屬

師後開法王莽山問僧近離甚處曰廬山師曰曾到

五老峯麼曰不曾到師曰闍黎不曾遊山雲門云此語皆為慈悲

悲之故有落草之談上堂汝等諸人各自回光返照莫記吾言

汝無始劫來背明投暗妄想根深難頓拔所以假

設方便奪汝籠識如荆黃葉止啼有甚麼是處亦如

人將百種貨物與金寶作一鋪貨賣概擬輕重來機

所以道石頭是真金鋪我這裏是雜貨鋪有人來覓

鼠糞我亦拈與他來金我亦拈與他時有僧問

鼠糞節不要請和尚真金師曰齧鐵擬開口驢年亦

不會僧無對師曰索喚則有交易不索喚則無我若

說禪宗身邊要一人相伴亦無豈况有五百七百萬

那我若東說西說則爭頭向前采拾如將空拳誑小

兒都無實處我今分明向汝說聖邊事且莫將心湊

泊但向自己性海如實而修不要三明六通何以故

此是聖末邊事如今且要識心達本但得其本不愁

其末他時後日自具去在若未得本縱饒將情學他

亦不得汝豈不見瀉山和尚云凡聖情盡體露真常

事理不二。卽如如佛。問如何是祖師意。師以手於空作此。佛相示之。僧無語。師謂第一座曰：不思善，不思惡。正恁麼時，作麼生。座曰：正恁麼時，是某甲放身命處。師曰：何不問老僧。座曰：正恁麼時，不見有和尚。師曰：扶我。教不起。師因歸。瀉山省覲。瀉山問：子旣稱善，知識爭辨得。諸方來者，知有不知有。有師承，無師承。是義學。是玄學。子試說看。師曰：慧寂有驗處，但見僧來，便竖起拂子。問伊：諸方還說這箇不。說。又曰：這箇且置。諸方老宿，意作麼生。瀉山嘆曰：此是從上宗門中，牙爪瀉山問：大地衆生，業識茫茫，無本可據。子作麼生。知他有之。與無。師曰：慧寂有驗處。時有一僧從面前過。師召曰：闍黎。僧回首。師曰：和尚，這箇便是。業識茫茫，無本可據。瀉山曰：此是師子一滴乳，迸散六斛驢乳。師問僧：甚處來。曰：幽州。師曰：我恰要箇幽州信米，作麼價。曰：某甲來時，無端從市中過，踏折他橋梁。師便休。師見僧來，竖起拂子。僧便喝。師曰：喝卽不無。且道老僧過在甚麼處。曰：和尚不合將境示人。師便打。有梵僧從空而至。師曰：遠離甚處。曰：西天。師曰：幾時離彼。曰：今早。師曰：何太遲生。曰：遊山翫水。師曰：神通遊戲，則不無。闍黎。佛法須還老僧始得。曰：特來東土禮文。

殊却遇小釋迦遂出梵書貝多葉與師作禮乘空而去自此號小釋迦師住東平時瀉山令僧送書并鏡與師師上堂提起示衆曰且道是瀉山鏡東平鏡若道是東平鏡又是瀉山送來若道是瀉山鏡又在東平手裏道得則留取道不得則撲破去也衆無語師遂撲破便下座僧參次便問和尚還識字否師曰隨分僧以手畫此○相拓呈師以衣袖拂之僧又作此○相拓呈師以兩手作背拋勢僧以目視之師低頭僧透師一匝師便打僧遂出去師坐次有僧來作禮師不顧其僧乃問師識字否師曰隨分僧乃右旋一

匝曰是甚麼字師於地上書十字酬之僧又左旋一匝曰是甚字師改十字作卍字僧畫此○相以兩手拓如脩羅掌日月勢曰是甚麼字師乃畫此卍相對之僧乃作婁至德勢師曰如是如是此是諸佛之所護念汝亦如是吾亦如是善自護持其僧禮謝騰空而去時有一道者見經五日後遂問師師曰汝還見否道者曰某甲見出門騰空而去師曰此是西天羅漢故來探吾道道者曰某雖覩種種三昧不辨其理師曰吾以義爲汝解釋此是八種三昧是覺海變爲義海體則同然此義合有因有果卽時異時總別不

離隱身三昧也師問僧近離甚處曰南方師舉拄杖
曰彼中老宿還說這箇麼曰不說師曰既不說這箇
還說那箇否曰不說師召大德僧應諾師曰叅堂去
僧便出師復召曰大德僧回首師曰近前來僧近前
師以拄杖頭上點一下曰去劉侍御問了心之音可
得聞乎師曰若要了心無心可了無了之心是名真
了師一日在法堂上坐見一僧從外來便問訊了向
東邊叉手立以目視師師乃垂下左足僧却過西邊
叉手立師垂下右足僧向中間叉手立師收雙足僧
禮拜師曰老僧自住此未嘗打着一人拈拄杖便打

僧便騰空而去陸希聲相公欲謁師先作此○相封

呈師開封於相下面書云不思而知落第二頭思而
知之落第三首遂封回帝宙相公機語相似茲不重出公見卽入山

師乃門迎公纔入門便問三門俱開從何門入師曰

從信門入公至法堂又問不出魔界便入佛界時如

何師以拂子倒點三下公便設禮又問和尚還持戒

否師曰不持戒曰還坐禪否師曰不坐禪公良久師

曰會麼曰不會師曰聽老僧一頌滔滔不持戒兀兀

不坐禪醞茶三兩碗意在饅頭邊師却問承聞相公

看經得悟是名曰弟子因看涅槃經有云不斷煩惱

而入涅槃得箇安樂處師豎起拂子曰祇如這箇作麼生入曰入之一字也不消得師曰入之一字不爲相公公便起去法燈云上座且道入之一字爲甚麼人又云相公且莫煩惱龐居

士問久響仰山到來爲甚麼却覆師豎起拂子士曰

恰是師曰是仰是覆士乃打露柱曰雖然無入也要

露柱證明師擲拂子曰若到諸方一任舉似師指雲

師子問衆有過得此色者麼衆無對雲門云當時便好與推倒師

問雙峯師弟近日見處如何曰據某見處實無一法

可當情師曰汝解猶在境曰某祇如此師兄又如何

師曰汝豈不知無一法可當情者瀉山聞曰寂子一

句疑殺天下人

玄覺云經道實無有法然燈佛與我授記他道實無一法可當情爲甚麼

道解猶在境且道利害在甚麼處師臥次僧問曰身還解說法也無

師曰我說不得別有一人說得曰說得底人在甚麼

處師推出梳子瀉山聞曰寂子用劔刃上事師閉目

坐次有僧潛來身邊立師開目於地上作此水相顧

視其僧僧無語師携拄杖行次僧問和尚手中是甚

麼師便拈向背後曰見麼僧無對師問一僧汝會甚

麼曰會上師提起拂子曰這箇六十四卦中阿那卦

收僧無對師自代云適來是雷天大壯如今變爲地

火明夷問僧名甚麼曰靈通師曰便請入燈籠曰早

箇入了也法眼別云喚甚麼作燈籠問古人道見色便見心禪牀

是色請和尚離却色指學人心師曰那箇是禪牀指

出來看僧無語玄覺云忽然被伊却指禪牀作麼生對伊有僧云却請和尚道玄覺代拈

掌三問如何是毗盧師師乃叱之僧曰如何是和尚

師師曰莫無禮師共一僧語旁有僧曰語底是文殊

默底是維摩師曰不語不默底莫是汝否曰默然師

曰何不現神通曰不辭現神通祇恐和尚收作教師

曰鑒汝來處未有教外底眼問天堂地獄相去幾何

師將拄杖畫地一畫師住觀音時出榜云看經次不

得問事有僧來問訊見師看經旁立而待師卷却經

問會麼曰某甲不看經爭得會師曰汝已後會去在

其僧到巖頭頭問甚處來曰江西觀音來頭曰和尚

有何言句僧舉前話頭曰這箇老師我將謂被故紙

埋却元來猶在僧思益問禪宗頓悟畢竟入門的意

如何師曰此意極難若是祖宗門下上根上智一聞

于悟得大總持其有根微智劣若不安禪靜慮到這

裏總湏茫然曰除此一路別更有入處否師曰有曰

如何卽是師曰汝是甚處人曰幽州人師曰汝還思

彼處否曰常思師曰能思者是心所思者是境彼處

樓臺林苑人馬駢闐汝反思底還有許多般也無曰

某甲到這裏總不見有師曰汝解猶在心信位卽得人位未在曰除却這箇別更有意也無師曰別有別無卽不堪也曰到這裏作麼生卽是師曰據汝所解祇得一玄得坐披衣向後自看榔禮謝之師接機利物爲宗門標準再遷東平將順寂數僧侍立師以偈示之曰一二二三子平日復仰視兩口一無舌卽是吾宗旨至日午陞座辭衆復說偈曰年滿七十七無常在今日日輪正當午兩手攀屈膝言訖以兩手抱膝而終閱明年南塔涌禪師遷靈骨歸仰山塔于集雲峯下謚智通禪師妙光之塔

鄆州香嚴智閑禪師青州人也厭俗辭親觀方慕道在百丈時性識聰敏叅禪不得泊丈遷化遂叅馮山山問我聞汝在百丈先師處問一荅十問十荅百此是汝聰明靈利意解識想生死根本父母未生時試道一句看師被一問直得茫然歸寮將平日看過底文字從頭要尋一句酬對竟不能得乃自歎曰盡餅不可充饑屢乞馮山說破山曰我若說似汝汝已後罵我去我說底是我底終不干汝事師遂將平昔所看文字燒却曰此生不學佛法也且作箇長行粥飯僧免役心神乃泣辭馮山直過南陽觀忠國師遺跡

遂憇止焉一日芟除草木偶拋瓦礫擊竹作聲忽然
省悟遽歸沐浴焚香遙禮馮山讚曰和尚大慈恩逾
父母當時若為我說破何有今日之事乃有頌曰一
擊忘所知更不假脩持動容揚古路不墮悄然機處
處無踪跡聲色外威儀諸方達道者咸言上上機馮
山聞得謂仰山曰此子徹也仰山曰此是心機意識著
迷得成待某甲親自勘過仰後見師曰和尚讚歎師
弟發明大事你試說看師舉前頌仰曰此是夙習記
持而成若有正悟別更說看師又成頌曰去年貧未
是貧今年貧始是貧去年貧猶有卓錫之地今年貧

錫也無仰曰如來禪許師弟會祖師禪未夢見在師

復有頌曰我有一機瞬目視伊若人不會別喚沙彌

仰乃報馮山曰且喜開師弟會祖師禪也

玄覺云且道如來禪

與祖師禪分不分長慶稜云一時坐却師初開堂馮山令僧送書并拄

杖至師接得便哭蒼天蒼天僧曰和尚為甚麼如此

師曰祇為春行秋令上堂道由悟達不在語言况是

密密堂堂會無間隔不勞心意暫借圓光日用全功

迷徒自背僧問如何是香嚴境師曰華木不滋問如

何是僊陀婆師敲禪牀曰過這裏來問如何是現在

學師以扇子旋轉示之曰見麼僧無語問如何是正

會元卷之九

命食師以手撮而示之問如何是無表戒師曰待闍
黎作俗卽說問如何是聲色外相見一句師曰如某
甲未住香巖時且道在甚麼處曰恁麼則亦不敢道
有所在師曰如幻人心心所法問如何是直截根源
佛所印師拋下拄杖散手而去問如何是佛法大意
師曰今年霜降早蕎麥稔不收問如何是西來意師
以手入懷作拳展開與之僧乃跪膝以兩手作受勢
師曰是甚麼僧無對問離四句絕百非請和尚道師
曰獵師前不得說本師戒上堂若論此事如人上樹
口銜樹枝脚不踢枝手不攀枝樹下忽有人問如何
是祖師西來意不對他又遣他所問若對他又喪身
失命當恁麼時作麼生卽得時有虎頭招上座出衆
云樹上卽不問未上樹時請和尚道師乃呵呵大笑
師問僧甚處來曰馮山來師曰和尚近日有何言句
曰有僧問如何是西來意和尚豎起拂子師曰彼中
兄弟作麼生會曰彼中商量道卽色明心附物顯理
師曰會卽便會者甚妙急僧却問師意如何師亦豎
起拂子

玄沙云祇這香巖脚跟未點地雲居錫云甚麼處是香巖脚跟未點地處

師有偈

日子啐母啄子覺母殼子母俱亡應緣不錯同道唱
和妙玄獨脚師比示學徒語多簡直有偈頌二百餘

篇隨緣對機不拘聲律諸方盛行後謚襲燈禪師

杭州徑山洪謹禪師吳興人也僧問掩息如灰時如

何師曰猶是時人功幹曰幹後如何師曰耕人田不

種曰畢竟如何師曰禾熟不臨場問龍門不假風雷

勢便透得者如何師曰猶是一品二品曰此既是階

級向上事如何師曰吾不知有汝龍門問如霜如雪

時如何師曰猶是汚染曰不汚染時如何師曰不同

色許州全明上座先問石霜一毫穿衆穴時如何霜

曰直須萬年去曰萬年後如何霜曰登科任汝登科

拔萃任汝拔萃後問師曰一毫穿衆穴時如何師曰

光靴任汝光靴結果任汝結果問如何是長師曰千

聖不能量曰如何是短師曰蟪蛄眼裏著不滿其僧

不肯便去舉似石霜霜曰祇爲太近實頭僧却問霜

如何是長霜曰不屈曲曰如何是短霜曰雙陸盤中

不喝彩佛日長老訪師師問伏承長老獨化一方何

以荐遊峯頂日曰朗月當空挂冰霜不自寒師曰莫

是長老家風也無日曰峭峙萬重關於中舍寶月師

曰此猶是文言作麼生是長老家風日曰今日賴遇

佛日却問隱密全真時人知有道不得太省無辜時

人知有道得於此二途猶是時人升降處未審和尚

親道自道如何道師曰我家道處無可道身曰如來
路上無私曲便請玄音和一場師曰任汝二輪更互
照碧潭雲外不相關身曰爲報白頭無限客此回年
少莫歸鄉師曰老少同輪無向背我家玄路勿參差
身曰一言定天下四句爲誰宣師曰汝言有三四我
道其中一也無師因有偈曰東西不相顧南北與誰
器汝言有三四我道一也無光化四年九月二十八
日白衆而化

滁州定山神英禪師因樺樹省和尚行脚時叅闍不
落數量請師道師提起數珠曰是落不落樹曰圓珠
三竅時人知有請師圓前話師便打樹拂袖便出師
曰三十年後樾胷大哭去在樹住後示衆曰老僧三
十年前至定山被他熱謾一上不同小小師見首座
洗衣遂問作甚麼座提起衣示之師曰洗底是甚衣
座曰關中使鐵錢師喚維那移下座挂搭著

襄州延慶山法端禪師僧問蚯蚓斬爲兩段兩頭俱
動佛性在阿那頭師展兩手

洞山別云問底在阿那明

師滅後謚

紹真禪師

益州應天和尚僧問人人盡有佛性如何是和尚佛
性師曰汝喚甚麼作佛性曰恁麼則和尚無佛性也

師乃叫快活快活

福州九峯慈慧禪師初在瀉山山上堂曰汝等諸人
祇得大機不得大用師便抽身出去瀉召之師更不
回顧瀉曰此子堪為法器一日辭瀉山曰某甲辭遠
和尚千里之外不離左右瀉動容曰善為

京兆府米和尚

亦謂七師

參學後歸受葉寺有老宿問月

中斷并索時人喚作蛇未審七師見佛喚作甚麼師

曰若有佛見即同衆生

法眼別云此是甚麼時節問法燈別云喚底不是

老

宿曰千年桃核師令僧去問仰山曰今時還假悟也

無仰曰悟即不無爭奈落在第二頭師深肯之次令

僧問洞山曰那箇究竟作麼生洞曰却須問他始得

師亦肯之僧問自古上賢還達真正理也無師曰達

曰祇如真正理作麼生達師曰當時霍光賣假銀城

與單于契書是甚麼人做曰某甲直得杜口無言師

曰平地教人作保問如何是衲衣下事師曰醜陋任

君嫌不挂雲霞色

晉州霍山和尚因仰山一僧到自稱集雲峯下四藤

條天下大禪佛叅師乃喚維那打鐘著大禪佛驟步

而去

元康和尚因訪石樓樓纔見便收足坐師曰得恁麼

威儀周足樓曰汝適來見箇甚麼師曰無端被人領
過樓曰須是與麼始爲真見師曰苦哉賺殺幾人來
樓便起身師曰見則見矣動則不動樓曰盡力道不
出定也師拊掌三下後有僧舉似南泉泉曰天下人
斷這箇漢是非不得若斷得與他同參
蘄州三角山法遇庵主因荒亂魁師入山執亦而問
和尚有甚麼寶師曰僧家之寶非君所宜魁曰是何
寶師震聲一喝魁不悟以亦加之

襄州王敬初常侍禪師

至公乃舉筆示之

米曰還判得虛空否公擲筆入宅更不復出米致疑
問僕何供養主纔坐問曰昨日米和尚有甚麼言句
便不相見公曰師子咬人韓獹逐塊米聞此語卽省
前謬遽出朗笑曰我會也我會也公曰會卽不無你
試道看米曰請常侍舉公乃豎起一隻筋米曰這野
狐精公曰這漢徹也問僧一切衆生還有佛性也無
曰有公指壁上畫狗子曰這箇還有也無僧無對公
自代曰看咬著汝

南嶽下五世

仰山寂禪師法嗣

袁州仰山西塔光穆禪師僧問如何是正聞師曰不
從耳入曰作麼生師曰還聞麼問祖意教意是同是
別師曰同別且置汝道瓶甬裏甚麼物出來入去問
如何是西來意師曰汝無佛性問如何是頓師作圓
相示之曰如何是漸師以手空中撥三下

袁州仰山南塔光涌禪師豫章豐城章氏子母乳之
夕神光照庭廐馬皆驚因以光涌名之少甚俊敏依
仰山剃度北游謁臨濟復歸侍山山曰汝來作甚麼
師曰禮覲和尚山曰還見和尚麼師曰見山曰和尚
何似驢師曰某甲見和尚亦不似佛山曰若不似佛

似箇甚麼師曰若有所似與驢何別山大驚曰凡聖
兩忘情盡體露吾以此驗人二十年無決了者子保
任之山每指謂人曰此子肉身佛也僧問文殊是七
佛之師文殊還有師否師曰遇緣卽有曰如何是文
殊師師豎起拂子僧曰莫祇這便是麼師放下拂子
叉手問如何是妙用一旬師曰水到渠成問真佛住
在何處師曰言下無相也不在別處

晉州霍山景通禪師初參仰山山閉目坐師乃翹起
右足曰如是如是西天二十八祖亦如是中華六祖
亦如是和尚亦如是景通亦如是仰山起來打四藤

條師因此自稱集雲峯下四藤條天下大禪佛

歸宗下亦

有大禪佛名智通

住後有行者問如何是佛法大意師乃禮

拜者曰和尚為甚麼禮俗人師曰汝不見道尊重弟子師問僧甚麼處來僧提起坐具師曰龍頭蛇尾問如何是佛師便打僧亦打師曰汝打我有道理我打汝無道理僧無語師又打趁出師化緣將畢先備薪於郊野徧辭檀信食訖至薪所謂弟子曰日午當來報至日午師自執炬登積薪上以笠置頂後作圓光相手執拄杖作降魔杵勢立終於紅燄中

杭州無著文喜禪師嘉禾語溪人也姓朱氏七歲依

本邑常樂寺

今崇福也

國清出家剃染後習律聽教屬會

昌澄汰反服齧晦大中初例重戡度於鹽官齊峯寺後謁大慈山性空禪師空曰子何不徧參乎師直往五臺山華嚴寺至金剛窟禮謁遇一老翁牽牛而行邀師入寺翁呼均提有童子應聲出迎翁縱牛引師陞堂堂宇皆耀金色翁踞牀指繡墩命坐翁曰近自何來師曰南方翁曰南方佛法如何住持師曰末法比丘少奉戒律翁曰多少衆師曰或三百或五百師却問此間佛法如何住持翁曰龍蛇混雜凡聖同居師曰多少衆翁曰前三三後三三翁呼童子致茶并

進酥酪師納其味心意豁然翁拈起玻璃盞問曰南方還有這箇否師曰無翁曰尋常將甚麼喫茶師無對師覩日色稍晚遂問翁擬投一宿得否翁曰汝有執心在不得宿師曰某甲無執心翁曰汝曾受戒否師曰受戒久矣翁曰汝若無執心何用受戒師辭退翁令童子相送師問童子前三三後三三是多少童召大德師應諾童曰是多少師復問曰此爲何處童曰此金剛窟般若寺也師悽然悟彼翁者卽文殊也不可再見卽稽首童子願乞一言爲別童說偈曰向上無嗔供養具口裏無嗔吐妙香心裏無嗔是珍寶

無垢無染是真常言訖均提與寺俱隱但見五色雲中文殊乘金毛師子往來忽有白雲自東方來覆之不見時有滄州菩提寺僧修政等至尚聞山石震吼之聲師因駐錫五臺咸通三年至洪州觀音叅仰山頓了心契令充典座文殊掌現於粥鉢上師以攪粥篋便打曰文殊自文殊文喜自文喜殊乃說偈曰苦瓠連根苦甜瓜徹蒂甜修行三大劫却被老僧嫌一日有異僧來求齋食師減已分饋之仰山預知問曰適來果位人至汝給食否師曰輟已回施仰曰汝大利益後旋浙住龍泉寺僧問如何是涅槃相師曰香

煙盡處驗問如何是佛法大意師曰喚院主來這師
僧患顛問如何是自己師默然僧罔措再問師曰青
天蒙昧不向月邊飛錢王奏賜紫衣署無著禪師將
順寂於子夜告衆曰三界心盡卽是涅槃言訖跏趺
而終白光照室竹樹同色塔于靈隱山之西塢天福
二年宣城帥田頽於倫切應杭將許思叛渙縱兵大掠
發師塔覩肉身不壞爪髮俱長武肅錢王異之遣禪
將邵志重加封瘞至皇朝嘉定庚辰遷于淨慈山
智覺壽禪師塔左

新羅國五觀山順支了悟禪師僧問如何是西來意
師豎拂子僧曰莫這箇便是師放下拂子問以字不
成八字不是是甚麼字師作圓相示之有僧於師前
作五花圓相師畫破作一圓相

袁州仰山東塔和尚僧問如何是君王劔師曰落纜
不采功曰用者如何師曰不落人手問法王與君王
相見時如何師曰兩掌無私曰見後如何師曰中間
絕像

香巖閑禪師法嗣

吉州止觀和尚僧問如何是毗盧師師攔臂與一柘
問如何是頓師曰非梁陳

壽州紹宗禪師僧問如何是西來意師曰好事不出門惡事行千里有官人謂師曰見說江西不立宗師曰遇緣卽立曰遇緣立箇甚麼師曰江西不立宗

益州南禪無染禪師僧問無句之句師還荅也無師曰從來祇明恁麼事曰畢竟如何師曰且問看

益州長平山和尚僧問視瞬不及處如何師曰我眨眼也沒工夫問如何是祖師意師曰西天來唐土去益州崇福演教禪師僧問如何是寬廓之言師曰無口得道問如何是西來意師曰今日明日

安州大安山清幹禪師僧問從上諸聖從何而證師乃斫額問如何是祖師西來意師曰羊頭車子推明月

終南山豐德寺和尚僧問如何是和尚家風師曰觸事向牆問如何是本來事師曰終不更問人

均州武當山佛巖暉禪師僧問某甲頃年有疾又中毒藥請師醫師曰二宜湯一梳問如何是佛向上事曰螺髻子曰如何是佛向下事師曰蓮華座

江州廬山雙谿田道者僧問如何是啐啄之機師以手作啄勢問如何是西來意師曰甚麼處得箇問頭來

徑山諍禪師法嗣

洪州米嶺和尚常語曰莫過於此僧問未審是甚麼莫過於此師曰不出是僧後問長慶為甚麼不出是慶曰汝擬喚作甚麼

雙峯和尚法嗣

福州雙峯古禪師本業講經因叅先雙峯峯問大德甚麼處住曰城裏峯曰尋常還思老僧否曰常思和尚無由禮覲峯曰祇這思底便是大德師從此領旨即罷講席侍奉數年後到石霜但隨眾而已更不叅請眾謂古侍者嘗受雙峯印記往往聞于石霜霜欲

詰其所悟而未得其便師因辭去霜將拂子送出門首召曰古侍者師回首霜曰擬著即差是著即乖不擬不是亦莫作箇會除非知有莫能知之好去好去師應喏喏即前邁尋屬雙峯示寂師乃繼續住持僧問和尚當時辭石霜石霜恁麼道意作麼生師曰祇教我不著是非玄覺云且道他會石霜意不會

南嶽下六世

西塔穆禪師法嗣

吉州資福如實禪師僧問如何是應機之句師默然問如何是玄旨師曰汝與我掩却門問魯祖面壁意

作麼生師曰沒交涉問如何是從上真正眼師槌曾
曰蒼天蒼天曰借問有何妨師曰困問這箇還受學
也無師曰未曾鏤地栽虛空問如何是衲僧急切處
師曰不過此問曰學人未問已前請師道師曰噫問
如何是一塵入正受師作入定勢曰如何是諸塵三
昧起師曰汝問阿誰問如何是一路涅槃門師彈指
一聲又展開兩手曰如何領會師曰不是秋月明子
自橫行八九問如何是和尚家風師曰飯後三椀茶
師一日拈起蒲團示衆曰諸佛菩薩入理聖人皆從
這裏出便擲下擘開曾曰作麼生衆無對問學人劄
入叢林一夏將末末蒙和尚指教願垂提拯師拓開
曰老僧住持已來未曾晤却一人眼師有時坐良久
周視左右曰會麼衆曰不會師曰不會卽謾汝去也
師一日將蒲團於頭上曰汝諸人恁麼時難共語衆
無對師將坐却曰猶較些子

南塔涌禪師法嗣

郢州芭蕉山慧清禪師新羅國人也上堂拈拄杖示
衆曰你有拄杖子我與你拄杖子你無拄杖子我奪
却你拄杖子靠拄杖下座僧問如何是芭蕉水師曰
冬溫夏涼問如何是吹毛劔師曰進前三步曰用者

如何師曰退後三步問如何是和尚爲人一句師曰
祇恐闍黎不問上堂會麼相悉者少珍重問不語有
問時如何師曰未出三門千里程問如何是自己師
曰望南看北斗問光境俱亡復是何物師曰知日知
箇甚麼師曰建州九郎上堂如人行次忽遇前向萬
丈深坑背後野火來逼兩畔是荆棘叢林若也向前
則墮在坑壑若也退後則野火燒身若也轉側則被
荆棘林礙當與麼時作麼生免得若也免得合有出
身之路若免不得墮身處漢問如何是提婆宗師曰
赤幡在左問僧近離甚處僧曰請師試道看師曰將
謂是船上商人元來是當州小客問不問二頭三首
請師直指本來面目師默然正坐問賊來須打客來
須看忽遇客賊俱來時如何師曰屋裏有一縑破草
鞋曰祇如破草鞋還堪受用也無師曰汝若將去前
凶後不吉問北斗藏身意旨如何師曰九九八十一
乃曰會麼曰不會師曰一二三四五師謂衆曰我年
二十八到仰山叅見南塔見上堂曰汝等諸人若是
箇漢從孃肚裏出來便作師子吼好麼我於言下歇
得身心便住五載僧問古佛未出興時如何師曰千
年茄子根曰出興後如何師曰金剛努出眼上堂良

久曰也大相辱珍重問如何是祖師意師曰汝問那箇祖師意曰達磨西來意師曰獨自棲棲暗渡江問牛頭未見四祖時如何師曰知曰見後如何師曰知問甚麼物無兩頭甚麼物無背面師曰我身無兩頭我語無背面問如何是透法身句師曰一不得問二不得休曰學人不會師曰第三度來與汝相見

越州清化全怱禪師吳郡崑山人也初參南塔塔問從何而來師曰鄂州塔曰鄂州使君名甚麼師曰化下不敢相觸忤曰此地道不畏師曰大丈夫何必相試塔鞞丑忍切然而笑遂乃印可時廬陵安福縣宰建

應國禪苑迎師聚徒本道上聞賜名清化僧問如何是和尚急切爲人處師曰朝看東南暮看西北曰不會師曰徒訪東陽客不識西陽珍問如何是正法眼師曰我却不知曰和尚爲甚麼不知師曰不可青天白日尿牀也師後還故國錢氏文穆王特加禮重晉天福二年丁酉歲錢氏戎將闢雲峯山建院亦以清化爲名延師開堂僧問如何是佛法大意師曰華表柱頭木鶴飛問路逢達道人將語默對未審將甚麼對師曰眼裏瞳人吹吽子問和尚年多少師曰始見去年九月九如今又見秋葉黃曰恁麼則無數也

師曰問取黃葉曰畢竟事如何師曰六隻骰子滿盆紅問亡僧遷化向甚麼處去師曰長江無間斷聚沫任風飄曰還受祭祀也無師曰祭祀卽不無曰如何祭祀師曰漁歌舉權谷裏聞聲忠獻王賜紫方袍師不受王改以納衣仍號純一禪師師曰吾非飾讓也慮後人做吾而逞欲耳開運四年秋示寂時大風摧震竹木

韶州黃連山義初明微禪師僧問三乘十二分教卽不問請師開口不荅話師曰寶華臺上定古今曰如何是寶華臺上定古今師曰一點墨子輪流不移曰

學人全體不會請師指示師曰靈覺雖轉空華不墜問古路無蹤如何進步師曰金鳥遠須彌元與劫同時曰恁麼則得達於彼岸也師曰黃河三千年一度清廣主劉氏嚮師道化請入府內說法僧問人王與法王相見時如何師曰兩鏡相照萬象歷然曰法王心要達磨西來五祖付與曹谿自此不傳衣鉢未審碧玉階前將何付囑師曰石羊水上行木馬夜翻駒曰恁麼則我王有感萬國歸朝師曰時人盡唱太平歌問如何是佛師曰胷題卍字背負圓光問如何是道師展兩手示之僧曰佛之與道相去幾何師曰如

水如波

韶州慧林鴻寃妙濟禪師僧問千聖常行此路如何
是此路師曰果然不見問魯祖面壁意旨如何師曰
有甚麼雪處問如何是急切事師曰鈍漢問如何是
和尚家風師曰諸方大例問定慧等學明見佛性此
理如何師曰新脩梵宇

南嶽下七世

資福寶禪師法嗣

吉州資福貞遠禪師僧問和尚見古人得何意旨便
歇去師作此○魚相示之問如何是古人歌師作此○

相示之問如何是最初一句師曰未具世界時闍黎
亦在此問百丈卷席意旨如何師良久問古人道前
三三後三三意旨如何師曰汝名甚麼曰某甲師曰
喫茶去上堂隔江見資福刹竿便回去脚跟下好與
三十棒况過江來時有僧纔出師曰不堪共語問如
何是古佛心師曰山河大地

吉州福壽和尚僧問祖意教意是同是別師展手問
文殊騎師子普賢騎象王未審釋迦騎甚麼師舉手
云唧唧

潭州鹿苑和尚僧問餘國作佛還有異名也無師作

此○相示之問如何是鹿苑一路師曰吉獠舌頭問
將來問如何是閉門造車師曰南嶽石橋曰如何是
出門合轍師曰拄杖頭鞋上堂展手曰天下老和尚
諸上座命根捺在這裏有僧出曰還收得也無師曰
天台石橋側曰某甲不恁麼師曰伏惟尚饗問如何
是世尊不說說師曰須彌山倒曰如何是迦葉不聞
聞師曰大海枯竭

芭蕉清禪師法嗣

鄂州芭蕉山繼徹禪師初參風穴穴問如何是正法
眼師曰泥彈子穴異之次謁先芭蕉蕉上堂舉仰山

道兩口一無舌此是吾宗旨師豁然有省住後僧問
如何是林溪境師曰有山有水曰如何是境中人師
曰三門前佛殿後問如何是深深處師曰石人開石
戶石鎖兩頭搖上堂昔日如來於波羅柰國梵王請
轉法輪如來不巳而已有屈宗風隨機逗教遂有三
乘名字流傳於天上人間至今光揚不墜若據祖宗
門下天地懸殊上上根機頓超不異作麼生是混融
一句還有人道得麼若道得有參學眼若道不得天
寬地窄便下座上堂眼中無翳空裏無花水長船高
泥多佛大莫將問來我也無答會麼問在答處答在

問處便下座問三乘十二分教卽不問如何是宗門
一句師曰七縱八橫曰如何領會師曰泥裏倒泥裏
起問如何是祖師西來意師曰著體汗衫問有一人
不舍生歿不證涅槃師還提攜也無師曰不提攜曰
爲甚麼不提攜師曰林溪粗識好惡問如何是吹毛
劔師曰透曰用者如何師曰鈍問寂寂無依時如何
師曰未是衲僧分上事曰如何是衲僧分上事師曰
要行卽行要坐卽坐師有偈曰芭蕉的旨不挂唇齒
木童唱和石人側耳

鄧州興陽山清讓禪師僧問大通智勝佛十劫坐道

場佛法不現前不得成佛道時如何師曰其問甚諦
當曰既是坐道場爲甚麼不得成佛道師曰爲伊不
成佛

洪州幽谷山法滿禪師僧問如何是道師良久曰會
麼曰學人不會師曰聽取一偈話道語下無聲舉揚
與旨丁寧禪要如今會取不須退後消停

鄧州芭蕉山遇禪師僧問如何是祖師西來意師曰
是星皆拱北無水不朝東曰爭奈學人未會何師曰
逢人但恁麼舉

鄧州芭蕉山圓禪師僧問如何是和尚接人一句師

曰要頭截取去曰豈無方便師曰心不負人面無慚
色上堂三千大千世界夜來被老僧都合成一塊鞞
向須彌頂上帝釋大怒拈得撲成粉碎諸上座還覺
頭痛也無良久曰莫不識痛痒好珍重

彭州承天院辭確禪師僧問學人有一隻箭射卽是
不射卽是師曰作麼生是闍黎箭僧便喝師曰這箇
是草箭子曰如何是和尚箭師曰禁忌須屈指禱祈
便扣牙問心隨萬境轉阿那箇是轉萬境底心師曰
嘉州大像古人鑄問衆罪如霜露慧日能消除時如
何師曰亭臺深夜雨樓閣靜時鍾曰爲甚麼因緣會

遇時果報還自受師曰管筆能書片舌解語開堂日
示衆正令提綱猶是涅槃造僞佛法祇對特地謾慕
上流問著卽參差荅著卽交互大德擬向甚麼處下
口然則如是事無一向權柄在手縱奪臨機有疑請
問僧問如何是第一義師曰羣峯穿海去滴水下巖
來問師唱誰家曲宗風嗣阿誰師曰道頭會尾舉意
知心

興元府牛頭山精禪師僧問如何是古佛心師曰東
海浮漚曰如何領會師曰秤鎚落井問不居凡聖是
甚麼人師曰梁朝傅大士曰此理如何師曰楚國孟

嘗君

益州覺城院信禪師僧問如何是出身一路師曰三
門前曰如何領會師曰緊峭草鞋

郢州芭蕉山閑禪師僧問十語九不中時如何師曰
閑門屋裏坐抱首哭蒼天

郢州芭蕉山令遵禪師僧問直得無下口處時如何
師曰便須進一步曰向甚麼處下腳師曰東山西嶺
上

慧林究禪師法嗣

韶州靈瑞和尚俗士問如何是佛師喝曰汝是村裏

人僧問如何是西來意師曰十萬八千里問如何是
本來心師曰坐却毗盧頂出沒太虛中問如何是教
外別傳底事師曰兩箇靈龜泥裏鬪直至如今困未
休曰不會師曰木鷄銜卵走燕雀乘虎飛潭中魚不
現石女却生兒

南嶽下八世

報慈韶禪師法嗣

蘄州三角山志謙禪師僧問如何是佛師曰速禮三
拜僧禮拜師曰一撥便轉

郢州興陽詞鐸禪師僧問佛界與衆生界相去多少

師曰道不得曰真箇那師曰有些子生界昧去多少
五燈會元卷第九

音釋

顏於倫

顏於倫

顏於倫

顏於倫

顏於倫

顏於倫

顏於倫

顏於倫

顏於倫

顏於倫

顏於倫

顏於倫

顏於倫

顏於倫

顏於倫

顏於倫

顏於倫

顏於倫

HYL(C)

T

1898

8632

copy2

vol.9